

Na osnovu člana 16. stav 4. Zakona o Vladi Zeničko-dobojskog kantona-Prečišćen tekst ("Službene novine Zeničko-dobojskog kantona", broj: 7/10 i 3/23), a u vezi sa članom 133. Poslovnika Skupštine Zeničko-dobojskog kantona – Četvrti prečišćeni tekst („Službene novine Zeničko-dobojskog kantona“, broj: 5/24) na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 62. sjednici, održanoj 20.12.2024. godine, d o n o s i

ZAKLJUČAK

I.

Utvrđuje se Amandman IV na Prijedlog Zakona o izmjenama i dopunama Zakona o visokom obrazovanju koji glasi:

AMANDMAN IV

U Prijedlogu Zakona o izmjenama i dopunama Zakona o visokom obrazovanju, član 9. mijenja se i glasi:

Član 9. (Izmjene i dopune člana 62.)

- (1) U članu 62. stavu (1) iza tačke d) dodaje se nova tačka e) koja glasi:
„e) danom pravosnažnosti sudske presude kojom je osuđen za krivično djelo.“
- (2) U stavu (2) tačka a) se briše.
- (3) Dosadašnje tačke b), c), d) i e) postaju tačke a), b), c) i d).
- (4) Iza tačke d) dodaju se tačke e) i f) koje glase:
„e) ukoliko senat univerziteta ne usvoji izvještaj o radu rektora na realizaciji programa rada visokoškolske ustanove.
f) ako ne izvršava odluke senata u skladu sa obavezom iz člana 59. stav (1) tačka i) ovog zakona, ukoliko se odluke odnose na akademska pitanja.“
- (5) Iza stava (2) dodaju se novi stavovi (3), (4), (5) i (6) koji glase:
„(3) Senat na prijedlog upravnog odbora donosi odluku o razrješenju rektora javnog univerziteta i direktora visoke škole i prije isteka perioda na koji je izabran odnosno imenovan u sljedećim slučajevima:
 - a) Ako ne izvršava odluke upravnog odbora u skladu sa obavezom iz člana 59. stav (1) tačka i) ovog zakona, ukoliko se odluke odnose na finansijsko poslovanje.
 - b) Ako odlučuje o korištenju sredstava preko iznosa utvrđenog statutom visokoškolske ustanove protivno odredbi člana 59. stav (1) tačka j) ovog zakona.
 - c) Ako upravni odbor ne usvoji izvještaj o izvršenju finansijskog plana iz člana 59. stav (1) tačka l) ovog zakona.
 - d) ako Skupština Kantona ne usvoji izvještaj o poslovanju i rezultatima rada visokoškolske ustanove“.
- (4) Ako senat ne razriješi rektora i direktora visoke škole zbog razloga navedenih u stavu (3) ovog člana u roku od 15 dana od prijema prijedloga za razrješenje, upravni odbor razrješava rektora javnog univerziteta i direktora javne visoke škole.

(5) U slučaju prijevremenog razrješenja rektora univerziteta ili direktora visoke škole, senat univerziteta je obavezan u roku od dva dana od dana prijevremenog razrješenja rektora univerziteta ili direktora visoke škole imenovati vršioca dužnosti rektora ili direktora visoke škole.

(6) U slučaju prijevremenog razrješenja rektora univerziteta ili direktora visoke škole, upravni odbor će donijeti odluku o prestanku radnog odnosa sa razriješenim rektorom univerziteta ili direktorom visoke škole.“

(6) Dosadašnji stavovi (3), (4) i (5) postaju stavovi (7), (8) i (9).

(7) U stavu (3) koji sada postaje stav (7) u tački a) brišu se riječi „u ime osnivača“.

(8) U stavu (5) koji sada postaje stav (8) brišu se riječi „rektora,” i „direktora visoke škole”

II

Zaključak sa obrazloženjem upućuje se u dalju skupštinsku procedure.

III

Zaključak stupa na snagu danom donošenja.

Broj: 02-_____/24

Datum, 20.12.2024. godine

Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,

1x Stručna služba Skupštine,

1x a/a.

OBRAZLOŽENJE

I PRAVNI OSNOV:

Pravni osnov za donošenje ovog zaključka je član 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 – Prečišćeni tekst i 3/23), a u vezi sa članom 133. Poslovnika Skupštine Zeničko-dobojskog kantona – Četvrti prečišćeni tekst („Službene novine Zeničko-dobojskog kantona“, broj: 5/24).

II RAZLOZI ZA DONOŠENJE:

Upravni odbor vrši ocjenjivanje rektora u domenu finansijskog poslovanja te smatramo da ako je predviđen kao razlog za razrješenje neusvajanje izvještaja o finansijskom poslovanju da je potrebno da se navede i razlog ako upravni odbor ne ocijeni pozitivnim rad rektora odnosno direktora koji ga i ocjenjuje. Imajući u vidu da Senat bira i razrješava prorektore na obrazložen prijedlog rektora, to je zbog akademskih prava i sloboda logično da se postupak o istom uređuje statutom visokoškolske ustanove, a za rektora i direktora visoke škole razlozi za razrješenje su dati u ovom Zakonu. Zbog lakše preglednosti i nomotehničke predlaže se izmjena i dopuna cijelog člana.

III FINANSIJSKA SREDSTVA

Za donošenje i realizaciju ovog Prijedloga Zaključka nisu potrebna dodatna finansijska sredstva.